

## Gobaneng Jesu a ile a sepela godimo ga pokolo?

Thero mo Mateo 21:1-11

*Palo ya Beibele: Mateo 21:1-17*

*Temanathero: Mateo 21:1-11*

Mo go Mateo kgaolo ya 21 go diragala selo se bohlokwa. Jesu o bolela phatlalatša gore ke yena Mesiah, Kgoši ya go tlotšwa. Go fihlega bjale Jesu o be a se a ka a bolela taba ye. O ile a ganetša ka makgetlo a mantši barutiwa ba gagwe gore ba se botše motho. O ba ganeditše go botša batho ba bangwe gore ke yena Mesiah, motlotšwa, Morwa wa Davida, le ge e le gore go be go na le mabaka a go lebelegega ka taba yeo. Empa gobaneng Jesu a se a ka a bolela ka taba ye? Lebaka ke gore o be a tseba ditlamorago tša lebaka leo e se tšeo a ka go di thabela. Jesu o be tseba gabotse gore ke Mesiah wa mohuta mang, ke kgoši ya mohuta mang, yeo batho ba balsiraele ba bego ba e lebeletše. Ba be ba lebeletše kgoši yeo e tlišego go ba fenyetša kgahlanong le ba gateledi ba bona e lego baRoma. Ba be ba lebeletše kgoši, yeo e tlišago kagišo le phenyo go bona, le bophelo bjo bo botse. Ka lebaka leo Jesu o be a sa rate go ka bolela ka lebaka la gore ke yena Mesiah wa nnete.

Empa bjale, le ke lebaka, la gore go phethagale. Le ga e le gore, Jesu o be a hlokomela dikakanyo tšeo batho ba mo lebeletšego ka tšona. Gomme ka lebaka leo Jesu o ile a kgetha go sepela godimo ga pokolo.

Gobaneng Jesu a sepela godimo ga pokolo? Gobaneng mohlomongwe a se a ka a kgetha pere? Go be go na le lebaka. Bjalo ka motlotšwa, Mesiah o tšile ka molaetša o bonolo: ke Kgoši ya kagišo! Pere, e na le maatla e beile, e a ikgogomoša, gomme ka mehlang yeo e be e hlokega ge go iwa ntweng. Lešole goba mothapi o be a dula godimo ga pere. Kgoši, goba letona, o be a hlabana godimo ga makoloi ao a gogago ke dipere. Pere, ke e kgolo ka bogolo e rutilwe go hlabana mo ntweng. Empa Jesu, le ge e le kgoši, ga a ka a kgetha pere. Ka boyena o ikgethetše pokolo. O laetše barutiwa ba gagwe ba babedi go ya motseng wa Bethefage. Sepelang le tšee pokolo le e tlišego go nna. Mohlomongwe Jesu o be a šetše a boletše le mong wa pokolo. Ka go hlokomela Jesu o be a lokišetša matseno a gagwe mo motseng wa Jerusalema, bjalo ka ge e hola kgoši. Le ga go le bjalo, ga a fihle ka bogolo. A ka se tle ka go laetša maatla, a legodimo ga pere. O tšile go tla a sepela ka pokolo, a le mo godimo ga mokokotlo wa pokolo. Jesu ga a tla a le mogodimo ga pere yeo e ya go ntweng. Jesu o tšile ka pokolo, go laetša kagišo.

Seo se lego bohlokwa mo temaneng ya rena ke se: mo mokokotlong wa pokolo, ye e sa apešwago. Se se ra gore ke pokolo e nenyane yeo e sa kago ya namelwa ke motho. Se ke phapang ya pere yeo e rutilwego. Pere yeo e šomišwago ke lešole le dutše godimo ga yona mengwaga ngwaga. Aowa, kgoši ya motlotšwa e sepela mo pokolong yeo e seago ya rutwa, gape go gatelela o tšile go dira kagišo, e sego ntwa.

Se ke seo se boletšwego ke moporofeta Zakariah. Mateo o re bušetša mo go se. Mohola wa Mesiah o mo gare ga molaotheo wa Testamente ya kgale. Jesu, kgoši ya motlotšwa, ga a itshepele mo go seo se bonwago kantle, e lego maatla ao a bonalago. Zakariah o re:

Thabang le opeleng, Jerusalema!

Emang! Kgoši ya gago e tla go wena.

Ke moloki le mofenye, moikokobetše, o sepela mo godimo ga pokolo.

Gomme ke tšile, o realo Morena, fediša makoloi a Ephuraeme, gomme le makoloi a dipere go tšwa Jerusalema.

Gomme marumo a ntwa a tšile go robega, o tšile go tsebatša kagišo lefaseng.

O tšile go buša lefase ka bophara...

Go fihla magomong a lefase. (Sakaria 9:9-10)

Nke ke botšiše gape: gobaneng Jesu a ile a sepela godimo ga pokolo?

Ka go dira bjalo, o tsebagaditše go bohle: ka nnete, ke nna kgoši ya motlotšwa, empa ga ke kgoši ya go tlwaelega. Ke tlile go tliša kagišo.

Ga re a swanela go lebelela se ka tsela ye e phosagetšego gore Jesu o kgethile pokolo. Se ga se re gore Jesu ga a na maatla. Ga se re gore ga a kgahlanong le ntwana, nke ke boleleng ka botlalo.

Moporofeta Sakaria o boletše gabotse ka pušo ya gagwe, gore e tlile go phatlalala lefase ka moka. Gomme go na la baporofeta ba bantši bao ba boletšego ka se.

Bjalo ka mantšu a porofeto ao re a balago mo go Psalme ya bobedi ka ga bogale bja gagwe: 'atla mošemane, a se ke a swara ke tlala gore o se ke wa fedišwa mo tšeleng ya gago...' (Ps 2.12) Atla, seo se ra gore khunama fase ga boikokobetšo pele ga gagwe, atla dinao tša gagwe, se e be e le setlwaedi matšatšing ao go laetša hlomphe go kgoši. Jesu e be e se motho yo boleta. Ka morago ga go fihla Jerusalema, re bala ka seo mo kgaolong ye, ka mo Jesu a ilego a phuma ditafola tšeo di nago le tšhelete ya batho le dipanka tša bao ba rekišago maeba mo tempeleng. O be a sea thaba e bile a ba tuketše bogale. Gobane ba ile ba se hlomphe tempele. Le ga go le bjalo Jesu o ile a kgetha pokolo. Gobaneng? Gore ruta gore mmušo wa gagwe ga o agiwe mo godimo ga ntwana. Go aga mmušo wa gagwe ga a diriše dibetša. E sego dibetša ka mokgwa wo re bolelago ka gona. Ga go le bjalo ga go pere, goba koloi. Empa Jesu o be a na le sebetša se sengwe. Sebetša sa lentšu la gagwe. Bjalo ka ge re bala mo Beibeleng: o tlile go buša ka tšhoša ye e tšwago molomong wa gagwe. Ana o hlaloganya polelo ye? E ra gore, ka go reriwa ga lentšu mmušo wa Jesu o a tsošwa. E sego ka dithunya, goba dipere, goba dipolai, goba maatla, goba dithoromo. Gomme se ke seo Jesu a bego a nyaka go se ruta batho. Ka lebaka leo o kgethile pokolo botšenong bja phenyo ya gagwe.

Bjalo re ka botšiša potšišo: ana batho bao ba bego ba legona ba hlalogantše molaetša? Ana ba ile ba hlaloganya maikemišetšo a Jesu? Ana ba ile ba hlaloganya gore gobaneng Jesu a kgethile go sepela ka pokolo? Mo mathomong go lebelega e ke ba ile ba hlaloganya molaetša. Gobane re bona ga bonolo ka mo ba ilego ba lebela Jesu bjalo ka kgoši! Ba ile ba ala dikobo tša bona mo go pokolo le mo fase. Ba bangwe ba ile ba di ala phatlalatša mo tseleng. Ba bangwe ba ile ba sega mahlare a mohlare ba ala mo tseleng. Mehlang yeo se e be e le setlwaedi, ke ka tsela yeo kgoši e bego e swanetše ke go hlokomelwa! Ge kgoši e feta, batho ka moka ba be ba ala dikobo tša bona mo tseleng. E le leswao la hlomphe le go obamela. Nka bolela mohlala o mongwe o tšwago mo Testamenteng ya kgale pukung ya Dikgoši tša bobedi kgaolo ya 9, ka ga kgoši Jehu. Ka morago ga gore a tlotšwe go ba kgoši, batho ka moka ba ile ba tšea dikobo tša bona, ba di ala pele ga maoto a gagwe, mo a sepelago. Lebaka la go tšhoga ga bona ge ba sa dire seo – kgoši Jesu o be a ka fetša ka gore ga ba hlomphe pušo ya gagwe. Empa mo lebakeng le, go lebeletšwe Jesu, mang le mang o dirile se ka go ithaopa. Gomme ka moka ba goeletša ba re: 'Hosannah go Morwa wa Davida!' Morwa wa Davida – seo e be e le kamaganyo ya: Kgoši! Hosannah, wa lehlogonolo ke eo a tlogo ka leina la Morena! Ana Modimo ga a tšhepiša gore yo mongwe wa bana ba Davida o tlile go dula ka go sa felego mo teroneng? Gomme ka lebaka leo ba opela ka mantšu a mo Psalome 118: wa lehlogonolo ke Morwa wa Davida!

Ga re boeletšeng potšišo: ana ba ile ba hlaloganya gore gobaneng a kgethile go sepela ka pokolo? Ka letsogo le lengwe go bjalo. Mang le mang o be a lemoga gore yo ke yena kgoši! Kgoši yeo e tlotšwego ke Modimo. Mesiah. Seo e bile se bonolo bjale. Empa ka letsogo le lengwe: lebaka la gore gobaneng Jesu a ile a kgetha pokolo, ke a tšhoga gobane ba ile ba se amogele seo. Re bona seo ka lebaka le le latelago. Ka morago ka gore Jesu a fihle mo Jerusalema o dirile eng? Aowa, ga se a dira selo. Ba be ba sa lebelele gore a dire selo. Empa o dirile eng, ke letšatši leo a ilego a raka bagwebi le batho ba rekišago mo tempeleng. Seo batho ba bego ba se lebeletše ga se a direga. Jesu ga se a ya ka bogošing. O ile a se fediše maatla. Ga se a ka a tšea setulo sa bogoši. Ga a ba laela gore ba thome ntwana. Seo a se dirilego, ke fela go tšwela pele ka go rera. A rera lentšu la Modimo, le go fodiša balwetši. Se segolo go batho bohle e be e le botšeno bja gagwe. Empa ka bonako maikutlo ao a botšeno a ile a fela. Kgoši ye e be e sa ba neele seo ba se nyakago. O ile a se tšee bodulo bja therone.

O a tseba, ke gopola gore barutiwa ba gagwe ga ba amogela seo gore Jesu o sepela godimo ga pokolo. Petro e be a ikemišeditše go širiletša mong wa gagwe ka tšhosa. Petro o be a le boemong bja hlabano. Ka lebaka leo mohlomongwe o be a ka kgetha pere, sešupo sa ntwana ya nnete. E sego pokolo, sešupo sa kagišo. Barutiwa ba ile ba tšwela pele go kgopela mong wa bona: 'ana o tlile go tsoša neng mmušo wa Davida? Ana re swanetše go ema lebaka le lekae? Ana o tlile go tsea madulo a gagwe a bogoši neng? Ana, ge o dira bjale, re tlile go ba baetapele? Ana o tlile go šireletša lebaka la gore re humane maemo a godimo?

Ka nnete, go tsena ga Jesu go fetogile lebaka la ditlaešego. Jesu o kgethile go sepela godimo ga pokolo, bjalo Modimo Tate wa magodimong a lebeletše seo mo go kgoši e botse. Jesu o latetše ditaello tša Beibele ka ga kgoši ya motlotšwa. Empa ga go motho eo amogetšego seo mo lefaseng. Ga go eo a ilego a mo thekga.

Gape, gobaneng Jesu a ile a sepela godimo ga pokolo? O tlile ka kagišo e sego go dira ntwana. Gomme bjale Modimo o bolela le rena ka moka ka o tee ka o tee. Ana boemo bja gago le kgoši ya motlotšwa ke eng? Ana o a mo obamela? Goba o lebeletše fela ka maatla a bjalo ka lešaba, ge a lebeletše botseno bja phenyo. Ana o tlile go humana se o se nyakago neng, empa ge a o go laela gore o theetše thato ye gagwe ka bophelo bja gago, gomme wena o hloka tšebo? Modimo o nyaka mo go nna le go wena: gore re ipee ka tlase ga kgoši ya motlotšwa. Phela go ya ka lentšu la gagwe. Jesu ke Kgoši ya rena. Gomme re a tseba gore gobaneng a kgethile go sepela godimo ga pokolo. O se ke wa leša dihlong ke seo, gore o kgethile pokolo. Mmušo wa gagwe ga o tle ka go laetša maatla, ka taetšo ya selefase. Mmušo wa gagwe o tla ka go rerwa ga lentšu la gagwe. O tla ka go obamela melao ya gagwe. Ka go phela bophelo bja go tšhaba Modimo. Ka go ikokobetša mo go thato ya gagwe. Jesu o a šoma go tliša wa legodimong mo go lefase la sebe. Ga se ešo a fihla ka boikgogomošo le maatla, empa o tlile ka lentšu la gagwe. Gomme wa lehlogonolo ke eo a ipatago ka yena. A ikokobeditše le go obamela a mo šala morago, le mo ditlaešegong. Ka pelo e boleta empa o ikemišeditše letšatši la go tla ga gagwe nakong e tlogo – mohlomongwe le tlile go tla ka bonako. Gomme nako e tlo ba e fihlile gore a bonagatše maatla a gagwe a magolo.

Amene.